



Шормо эл, порымук да гим бер!

52-шо (3388) №,
2018 ий 29 декабрь,
шуматкече.

ЯМДЕ ЛИЙ

1933 ий 1 февраль годсек лектеш.



Волгалт, У ий кож



**МАРИЙ ЭЛ РЕСПУБЛИКЫМ ВУЙЛАТЫШЕ
АЛЕКСАНДР АЛЕКСАНДРОВИЧ ЕВСТИФЕЕВ
ЁЛКЫШ ТОЛШО ЙОЧА-ВЛАКЫМ САЛАМЕН.**



Р.НИКОЛАЕВАН фотожо.

Марий Эл Республикым Вуйлатыше А.А.Евстифеев лўм дене эрталтше У ий ёлкылашке тунеммаште, спорт, мер пашаште ойыртемалтше, шуко шочшан ешыште кушшо да илышысе нелылыкыш логалше ўдыр-рвезе-влак погыненыт. Тыгай пиал 600 утла йочалан шыргыжалын.

*У ий дене салалем тўням
Дауло чон дене тыланем:
Луалым, эрыкым, ласкам
Да тунеммаште – «визытаным».*
Анна ОРЛОВА.
Шернур, Шўдымарий.


Юл кундемысе федерал округын Нижний Новгородышто эртыше У ий ёлкыштыжо Марий Эл гыч тунемше-влак лийыныт.

24 декабрьште Республикысе курчак театрыште «У ий йомак» спектакль сынан марий У ий ёлко эртен. Марий Эл Республикым Вуйлатыше деч 120 йоча ўжмашым налын. Ўдыр-рвезе-влак, марий улмышт дене кугешнен, марий тувырым чиен толыныт. Йўштў кугыза ден Лумўдыр, Сўсна, Пий, Агытан да йомак персонаж-влак нуным мурыктеныт, куштыктеныт, онгай модыш дене модыктеныт. Йомак интермедий деч вара икшыве-влакым эше ик пўлек вучен – «Щелкунчик» спектакль. **Снимкыште (ўлнў): Марий Эл Вуйлатышын икымше алмаштышыже М.З.Васютин шере пўлекым кучыкта.**



Конкурс!

«Эн сылне У ий мари́й открытке» конкурсыш ятыр паша пурен. Жюри открыткын тўжвал тўсшым, көргө содержанийжым да мари́й сынан улмыжым акленыт.



1-ше вер – Юлия Васиярова (Советский, Кодам школ),
2-шо вер – Софья Москвичева (Йошкар-Оласе 27-ше номеран школ),
3-шо вер – Арина Алгаева (Шернур, Кукнур школ).



Йоча-влак, а те могай пөлекым ямдыленда?

Курымеш шарнена

Ч у м ы р ўмыргорныжым Мари́й автономийым ыштыме пашалан пөлеклыше, мари́й калыкын волгыдо ончыкылыкшо верч илышыжым чаманыде тыршыше кугыжаныш да мер пашаен Иван Петрович Петровын шочмыжлан 14 декабрьште 125 ий темын. Тидын лүмеш 20 декабрьште шочмо Морко район Шенше селаштыже «У истоков автономии мари́йского народа» шанче-практик конференций лийын. Конференцийыште 30 утла доклад йонген. Погынышо-влак И.П.Петровым шарныме лүмеш кажне вич ий гыч шанче конференцийым эртараш да Шенше школлан тудын лүмжым пуаш пунчалыныт.



А.ТИТОВЫН фотожо-влак.

Л.ГРИГОРЬЕВА.

Ух, мыняр пөлек!

У ийым пеш чот вучем. Молан манаш гын, У ий дене пырля шочмо кечем толеш. Школышто чапле пайрем лиеш да пөлек деч посна огыт колто. Мөнгыштат шочмо кечемлан могай-гынат пөлек вуча. А кө тудым огеш йорате? Кучыктат – кумылет нөлталтеш.



Валерия ПЕТРОВСКАЯ.
Морко, Купсола.

Кө У ийым конда?

У ий – йоча-влакын йоратыме пайремышт. Йүштө кугыза ден Лумұдыр вучымо пөлекым кондат. Нунышт илышыште чынак улыт мо? Иктат ужын огыл. Туге гынат, Йүштө кугыза ден Лумұдыр У ий йұдым кажне йоча дек толыт. Мален колтымыштым веле вучат. А эрдене йоча-влак пөлекым верештыт.

Аня РОМАНОВА.

Мари́й Турек, Сысоево.

Хант-Манси автоном округысо Сургут олаште йоча-влаклан мари́й ёлко (снимкыште) эртен. Йүштө кугыза, Лумұдыр, Пий, Сөсна да Вуверкува икшыве-влакым модыктеныт, пырля муреныт, куштеныт. Йоча-влак пайремыште мари́й йылмым палымыштым пенгыдемденыт.



25 гыч 31 декабрь
марте Йошкар-Олаште Кожпазар
пашам ышта.

Мари́й Эл Республикым Вуйлатыше А.А.Евстифеев 38 школ директорлан у автобус (34 автобус да 6 микро-автобус) деч сраво-чым кучыктен.

Сай йол-таш дене кужу корныжат кўчык.

Васлийым вашлийым,
вашлийым Васлийым.
Писылудыш.

5 январьште «Корта» ече базыште Йүштө кугызан прижже верч ече дене У ий тангасымаш лиеш. 7-12 ияш-влак ушнен кертыт.

Кинде шул-тышым кодам ойрө – виетым кодет.

26 декабрьште Москваште, Кремль дворецыште, У ий ёлко эртен. Мари́й Эл Республик гыч 28 йочалан тушто лияш пиал шыргыжалын.



Еш - ылыш кече

«Еш – тиде куан, йӱратымаш, пагалымаш да ваш-ваш умылымаш», – тыге ойла Морко район Элекэнгер ялыште илыше Тимофеевмыт еш. Елена

Витальевна ден Эдуард Петрович кум икшывым: Юлиям, Викториям да Артёмым – ончен куштат. Ача ден ава шыл комбинатыште пашам ыштат. Юлия Коркатово лицейште луымшо классыште, Вика Энерсола школышто 6-шо классыште тунемыт. Артем тений икымше гана парт коклашке шинчын.


Юлия Тимофеевам «Ямде лий» газетым лудшо да почеламутым сылнын лудаш йӱратыше-влак пеш сайын палат, шонем. Тудо кажне гаяк конкурсышто усталыкше дене ойыртемалтеш. Тений «Живая классика» всероссийский конкурсын регионсо этапыштыже рушла прозым лудмыш дене сенгышыш лектын.

«Артек» тӱнямбал йоча рӱдериште Россий тагасымаште мастарлыкшым терген. «Почеламутым сылнын лудаш икымше туныктышем кумыланден, – ойла Юлия. – Тунам Энерсола тӱншк олышто тунемынам. Надежда Васильевна Анисимова, кугурак клас-



Фото – еш архив гыч.

Шинчасортала аралыман



Вика
лишыл
енже-влакым чот
йӱрата. «Ямде лий» газет редакций-
ыш ешыж нерген серышым возен колтен:

«Ача-авана мемнам умылен ончен куштат, кӱлешан ойым эре пуат. Йоча-влак келге шинчымашым налышт, тунеммаште сенгымашке шуышт манын тыршат. Нунын йӱратымыштым ме шижын кушкына. Ешыште кеч-могай пашам пырля погынен ыштена. Каненат моштена. Ачам пакчаште кугу лӱнгалтышым келыштарен. Тудо чылалан келша: кӱшкӱ-кӱшкӱ «чонештен» кӱзет – нимынар лӱдыкшӱ огыл. Кажне ийын кенежым еш дене Йошкар-Олашке миен толына. Каныме паркыште, зоопаркыште дияш келша. Еш – тиде илыш. Тудым Юмо пӱра. Сандене ешым шинчасорта гай аралыман».

слашке вончымекемат, усталыкем шуараш чот полшен. Туныктышемлан тауштем».

Юля ден Вика Артёмлан пример улыт: тунеммаштат, мер пашаштат, мӱнгыштат, йоча-влак коклаштат. Нуным ончен, изи шолыш чыла вере ончылно лияш тырша.

«Келшен илыше еш сай йочам ончен кушта», – манит калыкыште. Тимофеевмыт еш нергенат лач тыгак ойлаш лиеш.

Л.ГРИГОРЬЕВА.

Поро да лишыл

Мыйын поро коваем уло. Тудын лӱмжӱ – Милитина Геннадьевна Горинова. Тудо Изид Илешъял ялыште шочын-кушкын. Кызыт ме ковам дене Поскутово ялыште илена. Ковам пеледышым ончаш кумылан. Могай тамле кочкышым тудо шолта! Мый, ачам, ачам йӱратен кочкына. Кажне кечын, школ гыч толмеке, мый ковамлан кертмем семын пашам ышташ полшем.

Илья ГОРИНОВ.
Шернур район.



Авам – эше кова

Мыйын авам Моско олаште пашам ышта. Тудо медшӱжар. Авам мотор, самырык, поро, ушан, тале. Авам пеш писе, чыла ыштен шукта. Тудо ынде эше кова. Кум уныкаже уло: кок эрге да ик ӱдыр. Нунымат аваем пеш чот йӱрата. Шке икшывыж-влакланат жапым муэш. Мый аваемым йӱратем!

Таня ВАРАКСИНА,
5-ше «Б» класс.

Пеленет лийнем!


Тый икте мыланем улат. Авай, тый мыйын шӱмыштем. Кучем эре мый ушыштем. Мотор тӱсетым, кумылетым. Авай, мый тыйым йӱратем, Авай, мый пеленет лийнем! Вуем савем да тауштем!

Александра ИВАНОВА.
Национальный президент школ-интернат.

*Кӱ ача-авам
огеш колышт –
зияныш логалеш.
Калыкмут.*




Айста мый денем вес лаштыкыш.



«Еш – илыш кече» проектна мучашлалтеш. Тек кажне йоча ешыште пиалан лиеш. Йӱратыза да пагалыза ача-авадам, коча-ковадам!



Чеверын, Пий идалык!



Галина Алексеевна Медведево район Азаново селасе «Радуга» йоча студийыште ИЗО предметым туныкта.

Йуштö кугызан юзо вийже дене танастарем.

Фотом войзымо туняште шкем мастар енлан ом шотло. Мый тыглай суретче улам, шум-чон йодмо почеш фотографийым ыштем. Сай камеран смартфоным эре пеленем нумалам. Шотлан толшо кадрым ыштен кертагын, тыглай фотоснимкыште

кумылым савырыше суретым ужаш лиеш.

Фотокартычке – тиде трукышто чарен шогалтыме татын сөраллыкше, моторлыкшо. Ты суретым иканат вашталташ ок лий. Тушто мо войзалтын – тудо курымаш. Фотом войзымашым мый

Йоча-влак У ий пай-ремым пеш чот вучат, ямдылалтыт. Тиде онай кожым Настя Данилова (Провой кундем, Кожласоласе «Теремок» йочасад гыч) аваж дене пырля ыштен.



Л.Л.ПАКАЛИНАН фотожо.

Г.ЕРМОЛИНСКАЯ.

Йуштö кугыза

Поро Йуштö кугыза
Окнаш толын пералта.
У ий дене саламлаш
Мемнан деке пеш вашка.

Сылне мурым муралтен,
Пёрдына ме кож воктен.
Йолна писын тавалта,
Изи чонна куана.

Сай отметкынам ончалын,
Шыргыжалын кугыза,
Пөлек-влакым кучыкталын,
Уныкаштым вичкалта.

Полина
МАКСИМОВА.
Лараньга, Матародо.



Лиза РАЗУМОВАН суретше.
Медведево, Руэм.

Ой-канаш

Пайрем үстелыште пакчасаска, фрукт, сыр, кол лийшаш улыт. Сосна шылгыч ямдылыме

кочкыш деч ты гана коранман.

Эх, шыже шукертак эртен кайыш.

Идалыкемат мучашлалтеш.

«Шыжымсе йомак» конкурсын сенгышыжым «Вконтакте» соцкылыште палемдышна. А ынде газет лаштыкыште ушештарем, сенгыше – Йошкар-Олагыч Виктория Илюткина. Саламлена!

У ийым веселан вашлийман. Түрлө модыш, мурсем пайремым сораастарышт. Пөрткөргым сылнештарыман, у ий кож нерген мондыман огыл. Сосна моторым, шергаканым йората. Нарынче Сосна шөртнялге түсым акла. Тыгак сур, күрен түс-влак тунлан шотлалтыт.

Йуштö кугыза
Чал, йуштö.

Кылмыкта, пуалеш, пургыжта.
Йоча-влаклан ий курыкым ямдыла.
Куан.

Света ИВАНОВА.
Морко, Арын.

Тушто

Кожышто
нзи под
кеча.

Мом Вучем?

У ий пайрем деч чыланат сайым вучат.

Мият ом ойяртемалт. Шушаш У ий дене чумар марий калыкым саламлем. Тек тиде пайрем чылалан пиалым, тизыс кавам, ваш келишмашым да умылымашым конга!

Илья НИКОЛАЕВ.
Морко, Энгерсола.

У ий

У ий мемнан деке вашка, Кумылем веселанда. Поро Йуштö кугыза Окнаш тугалтен колта, Чылам пайремышке вуча. Йоча-влакым модыкта Да пөлекым кучыкта! Кож воктек шогалына, У ий мурым мурена, Веселан тавалтена. Пайрем ден(е) саламлена, Жапым сай(ы)н эртарена!

Катя РЫБАКОВА.
Шернур посёлко.





Волонтёрын (Доброволецын) идалыкше мучашке лишеме. Тудым 17 декабрьште Марий Элыште торжественно петырыме. Республикыште түрлө ийготан 45 тўжем утла волонтёр уло. Идалык мучко республикыште түрлө сынан 236 акцийым эртарыме.



«Доброволец России» всероссийский конкурсышко 202 волонтёр ушнен. Волжск оласе «Счастливый билет» волонтёр отряд (вуйлатыше – Марина Янковская) гыч Анастасия Васильева «Вдохновлённые искусством» (14-18 ий) танасыште «Инклюзивный танец» проект дене сенгышыш лектын. Ты отрядынак вес волонтёржо, Юлия Аксёнова, «Помощь детям» (14-18 ий) танасыште «Стань старшим другом» проект дене кумшо верым налын.



«Пиалан билет»

Анастасия Васильева (снимкыште) Волжск оласе 5-ше номеран школышто 11-ше классыште тунемеш. Кушташ йората, спортлан шўман.

– Илышын түрлө шорынжым умылаш тўналмеке, мый «Счастливый билет» волонтёр отрядыш ушненам, – ойла Настя. – Шкеже вич ияш гычак кушташ тунемаш коштам. Изинек эмганен кушшо йоча-влакынат, мотор тувырым чиен, сценыш лектын, куштымышт шуэш дыр, шоненам. Сандене нуным кушташ туныкташ кумылангынам.

Анастасия ты проектыш йолташыже-влакым ушен. Эн ончыч ўдыр-рвезе-влак эмганен кушшо йоча-шамыч дене шкем чын кучаш, мутланаш тунемыныт. Начар тазалыкан икшыве-влаклан кушташ йосырак, сандене волонтёр-влак нунылан движений-влакым кельштареныт. Тыге 15 мужыр сценыш лектын, «Полонез» куштымашым ончыктен. «Руки сердечное тепло» республикысе фестиваль-конкурсышто икымше верым сенен налыныт.

Ончыкыжым ўдыр-рвезе-влак вес түрлө куштымашым ямдылаш шонат. Начар тазалыкан йоча-шамыч волонтёр-влак пелен шкалан ўшана, келшымашын акшым умылаш, йолташын полшышым шижаш да сенгымашке шуаш тунемыт.

Л.ГРИГОРЬЕВА ямдылен.




Фотом еш архив гыч налме.

Поро паша

Волонтёрын идалыкше мучашыш лишемеш гынат, тудо огеш пыте, эре шуйнаш тўналеш. Вет шке кумыл дене поро пашам ыштыше ен илышыште эре кодеш. Мемнан школысо волонтёр-влакын пашашт эре шуко. Шукерте огыл нуно Йошкар-Оласе зоприютышко миен коштыныт, тусо пашаен-влак дене кылым кучаш да полшаш кумылангыныт. Тысе приютышто озадыме витле наре ныл йолан йолташна илыме верым муын. Йоча-влак веле огыл, туныктышо-влакат тошто вургемым, кагазым погат, приютышто куанен вучат. Тыгай сомылым школ вуйлатышына И.Н.Ельмекеев виктара. Йоча-влак, теат ордыжеш огыда код манын ўшанена.

Аня ЯКИМОВА.
У Торъял,
Тошто Торъял.



Шекланза!

Электрогирляндым ёлкыш сакымыда годым тергыза: чыла лампычкыже йўла мо? Гирляндым налмыда годым сертификатшат лийшаш. Пёрт гыч кайымыда годым гирляндам розетке гыч лукса.

Ёлкым сорастарымыда годым мамыкым, кагазым, сортам ида кучылт.

Шекланыза: ёлкыда кўварыште пенгыдын шогышаш, йёрлшаш огыл.

Ур-ф-ф.. Идалык мучко түрлө меро-прятийыште лийынам. Уло тўня мучко кудалышт толынам. Идалыкелат мучамлатеш. О, шарналтытым, мыйым ныл йолан йолташам нерген «Ямде лий» газет редакций конкурсым увертарен ыле. Сеныше – Морко район Коркатово гыч Полина Алексеева.

Пайремым молан вучем?

Вашке У ий пайрем шуэш. Кажне йоча тиде пайремым вуча, шонем. Ме класс дене пырдыжгазетым ыштена, ёлкылан костюмым, мурым ямдылена. Молан мый У ийым вучем? У ий вашеш шуко шонымашем шукташ тыршем: кокымшо четвёртым «4» да «5»-лан тунем пытараш, Йўштө кугыза деч пөлекым налаш. Кызыт школыштына «У ий модыш» конкурс эрта. Мыят модыш-влакым ыштенам. Теле каникул годым шўжарем дене курыкышто мунчалташ тўналына, чодыраш ече дене миен толына.

Полина ПЕТУХОВА.
У Торъял,
Кузнеч.



Йүштө кугыза
Поро, ушан.
Муралта, кушталта, пөлекла.
Тудо мемнам йөрата.
Кочай.

Максим ВАСИЛЬЕВ.
Морко, Арын.

У ийлан ме уло еи
дене ёлкым шындына, пай-
рем йстелым погена.
Школыштат кожым
сөрастаренна.

Ксения ОКУЧЕВА.
Марий Турек, Сысоево.



Рушарнян ме уремыш
каналташ лекна. Теле пур-
түс лонгаште моткоч келшыш. Тыгай
сөраллыкым газет гоч моло йоча-влак-
нат ончыктымына шуо. Ме Звенигово район
Кужмара школышто тунемына.

Ужар
ужга
түжем
иман.

Йошкар-
Оласе Ленин
лүмеш рүдө
площадьыш-
те шогышо
искусствен-
ный кожым
2300 «укш»
гыч погымо.



Мастар кид

Изи кож

Шукерте огыл ачам дене Моркышко
кудална. Илыше пушентгым руаш чама-
нана, садлан кевытысым налаш куты-
рен келшышна. Ик кевытыште кож
пеш келшыш. Тудым нална. Мөнгө
толмеке, сөрастарен шындышна.
Ынде мемнан пörтыштö мотор деч
мотор ёлко шога.

Полина АЛЕКСЕЕВА,
4-ше класс.
Морко, Коркатово.

Пырля
тунемше үдыр-рвезе-
влак тыгай сөснаигым
ыштеныт.



Икымше искусствен-
ный ёлкым Германи-
йыште понен луктыныт.
Пу гыч ыштыме
окожыш лудо пыс-
тылым пижык-
тылыныт.



1,5 метр
күкшытан
кожым
кушташ
10-15 ий
эрта.

Р у м о
чодыра уэш кушкын
шогалмеш 60-90 ий
эрта.



У ий пайрем
толеш –
Йүштө кугызам
үжеш
Пөлекым йочалан
кондаш,

Ужар кож
йымалан кодаш.

Ош пондашым вашлий(ы)на,
Шергылтше торашке

саламна!

Диана АЛЕКСАНДРОВА.
Морко, Эгерсола.

Трактор огыл –
мландым пургедеш.

Конкурсеш

Великий Устюг
ола лүмым

Ух, Вуверкува...

колмеке, вигак ош пондашан,
йошкар потан кочана шарналтеш. Тиде
Йүштө кугыза – телым мемнан эн вучымо
унана. Тудым кажне йоча йөрата, вуча.

Йүштө кочанан пеш мотор, ош ұпан, шара
шинчан уныкаже уло. Тудым Лумұдыр маныт.

Ик кечын пыл лонгаште пүчө койылалтыш,
волгенчыла ұлык кудал волыш, а шенгелныже
– шөртньö-ший дене сөрастарыме пу издер.
Йүштө кугыза ден Лумұдыр, издерыш шин-
чын, йоча-влак деке вашкат. Теве күшкө
күзат, теве ұлыкө волат.

Нуным Вуверкува, ұштервоштырым кычкен,
пеш чот орола. Тудо пөлек мешак гыч смарт-
фоным шолыштнеже. Но пүчө пеш писе,
кайык гай чонешта.

Кенета пушентге
шенгеч Таргылтыш
төрштен лектеш. Тудлан чонештылыше,
пултан вертолёт келшен.

– Мыйын лиеш! – кыч-
кыра.

Чыла осалым сенген,
Йүштө кугыза ден
Лумұдыр Морко район
Коркатово лицейыш
толын шуыч. Нуным йоча-влак
пеш куанен вашлийыч. Кож-
йыр мурен-куштен, почеламу-
тым ойлен, чыланат пөлекым
налыч. Куанен, мөнгыш-
кышт ошкылыч.

Дима АРХИПОВ.
Морко, Коркатово.

Мый, Идалыкын
озаже, (Марла
календарь почеш)
Дималан пөлекым
кучыктем





Вашке У ий найрем шүэш.
Йоча-влак тудым пеш вучат.
Медведево район У Арбан
йочасадышкына Лумкузгыз
ден Лумдүяр толат. Йоча-влак
гене найремлан куанен ямдылалтына. Даряна ден
аваже пеш сӧрал модышым ыштенят.
Ваня, Арина да Юлиана чот тыршенят.

И.СЕМЕНОВА.

Йүштӧ кугыз
Йүштӧ, шонго.
Куштыкта, мурыкта, туныкта
Мый У ийым пеш вучем
Пӧлек.

Катя НИКОЛАЕВА.
Морко, Арын.

«Ямде лий» газетлан
подпискым ышташ таратыше
социальный рекламе конкур-
сышто Марий Турек район
Арбор гыч Диана СЕМЁНО-
ВА сенгышыш лектын.
**Саламлена! Арам огыл ойлат,
ӱдыр-влак тамлым йӧратат.**

2018
ийын озаже
(Марла кален-
дарь почеш) лех
Дианалан – тутло
торт!



**Шушаш 2019 ий –
Нарынче Сӧснан идалыкше**

Чын, Сергей Михалковын возы-
мо йомакше гыч персонаж-влак.
Айста лӱмыштым шарналтена:
Нуф-Нуф, Ниф-Ниф да Наф-
Наф. Ынде умбакыже йомакым
палымыдам тергена.

Нине кум
сӧснаиге йол-
ташым паледа?

**Нуф-Нуф пӧр-
тым мо гыч ыштен?**

Укшла гыч
Оҥа гыч
Шун гыч

**Ниф-Ниф пӧр-
тым мо гыч ыштен?**

Пырня гыч
Кермыч гыч
Олым гыч

**Наф-Наф пӧр-
тым мо гыч ыштен?**

Кӱ гыч
Оҥа гыч
Пушентге гыч





Вика ПОЛУШИНАН сӱретше.
Советский, Ӧрша.

Телым вучыман

Шып кава гыч лум велеш –
Эркын теле лишемеш.
Ялнам лум ден(е) леведеш –
Телым каналташ лиеш.
Кайык-влак укшлаш кержалтыт –
Тамле кочкышым кычалыт.
Кӧ гын нуным чамана?
Кӧ гын пырчым шавалта?
Школ воктене йӱк-йӱан:
Тиде шинчымаш «сӱан».
Кӧ коштеш гын тыш – ушан.
Тидым кажне палыман!
Телым чынжымак чылан
Уло кертмын вучыман.
Тиде пагыт шып толеш –
Шке сӧралже ден(е) кӱлеш.


Э.ВАСИЛЬЕВА.
Звенигово,
Нуктыж.



Сӱретым чиялте.



КОНКУРС!



«Сорал вуйчиём»



Аксар ден Никита МАМАЕВМЫТ.
Морко посёлко.

Елена ВАСИЛЬЕВА.
Морко посёлко.

Настя МАТВЕЕВА.
Звенигово, Кужмара.

Физкультминутко


Пиём

Эх, кудывечыште пиём
 Төрштылеш, кудалыштеш.
 Мый воктекыже миём,
 Модын, йол йырем пörдеш.
 Икыт – төршталтен опта,
 Кокыт – вуйжым савыра.
 Кумыт – капшым модыкта,
 А кузе кертеш ырлаш.
 Поктылам, а тудо тале –
 Мый дечем виан улмаш.
 Шемечемым от ондале,
 Нигöлан ок пу сенаш.

Н.ИЛЬИНА.



Кудо Лумöдыр уто?




Тушто

Кудывечыште –
 курык, пörтыштö – вöд.
 Йол йымалне тунар
 тылзе шöдыр йöла –
 шотленат от пытаре.

1. Кылмыше вöд.
2. Йöштö кугызан уны-каже.
3. Теле пай-рем.
4. Теле шокшо вургем.
5. Пушенгеш кечалтше лум йолва.
6. Телым шужен-кыл-мен илыше чонан-влак.
7. Телын эн кугу поян-лыкше.
8. Лумеш кодшо кыша.
9. Теле йол-чием.
10. Йоча-шамычын телым модмо öзгарышт.
11. Пиротехник модыш.

Диана БЕРЕЗИНА.
Кужэгер, Уштымбал.



Индекс: Марий Элыште,
 Пошкырт ден Татарстан
 кундемлаште - П4696.
 Тираж 1150 экз. Заказ 2462.
 Формат – А-4-8.
 Директор-тун редактор
 Л.В.СЕМЕНОВА.

УЧРЕДИТЕЛЬ-ВЛАК: Марий
 Эл Республикысе култур, пе-
 чать да калык-влакын пашашт
 шотышто министерстве, «Ямде
 лий» газет» кугижаныш унитар-
 ный казна предприятий.

Газетым Массовый коммуникаций
 сферыште да култур наследийым ара-
 лымаште законодательствым шуктен шо-
 гымым эскерыше Федеральнй службн
 Приволжский федеральный округысо уп-
 равленыйыштыже регистрироватлыме.
 Номер – ПИ №ФС 18-1999,
 2005 ий 10 февральыште пуымо.

0+ Печатьыш пуымо жап – 14-00,
 фактически – 13-00

Авторын да редакцийн шоныма-
 шышт түрлö лийын кертт. Се-
 рыш-влак мөнгеш огыт колталт.
 Ак – кутырен келшыме почеш.

E-mail: yamde_lii@mari-el.ru,
 yamde_lii@mail.ru
 Сайтын адресше: yamde-lii.pro,
 Тел. 8(8362) 45-22-82(факс)

Газетым редакцийыште погы-
 мо да верстатлыме, «СТРИНГ»
 ИПФ ООО-што ямде оригинал-макет гыч
 савыктыме. Типографийн адресше:
 424006, Йошкар-Ола, Строитель урем, 95.

Газетым Печать да массовый
 коммуникаций шотышто
 Федерал агентствын окса
 полишыж дене луко.

Редакцийн да издательн адресше:
 424006, Йошкар-Ола, СССР
 Вооружённый Вийын
 70-ше идалькше урем, 20 (почтовый)
 Энерүмбал Амстердам, 1
 (фактический).